

"ТАСДИҚЛАЙМАН"
Вилоят ҳокими ўринбосари,
вилоят ҳокимлиги ҳузуридаги
жамоатчилик Кенгаши раиси



М.Мамадиярова
октябрь 2023 йил

Вилоят ҳокимлигида ўтказилган йиғилиш
БАЁНИ №25

2023 йил 4 октябрь

Навоий шаҳри

Раислик қилувчи: М.Мамадиярова-вилоят ҳокими ўринбосари в.б.

Иштирок этганлар: Вилоят ҳокимлиги ҳузуридаги жамоатчилик
Кенгаши аъзолари (рўйхат бўйича).

КУН ТАРТИБИ:

**2023 йил учинчи чорак якунлари бўйича амалга оширилган ишлар
муҳокамаси ва тўртинчи чорак давомида амалга оширилиши лозим бўлган
устувор вазифалар тўғрисида.**

(Мамадиярова, Кенгаш аъзолари,..., Мамадиярова)

Кун тартибидаги масалалар юзасидан билдирилган фикр, такли ва мулоҳазаларни инобатга олиб, йиғилиш

ҚАРОР ҚИЛАДИ:

1. Кун тартибидаги масалалар юзасидан вилоят ҳокими ўринбосари в.б.-оила ва хотин-қизлар бошқармаси бошлиғи М.Мамадиярованынг ахбороти маълумот учун қабул қилинсин.

2. Хотин-қизлар бандлигини таъминлаш бўйича 2023 йилга мўлжалланган прогноз дастурларининг ижроси Томди, Учқудуқ ва Хатирчи туманларида бажарилганлиги ва бу ҳудудларда ташкил этилган тизим фаолияти қониқарсиз эканлиги кўрсатиб ўтилсин.

3. Туман ва шаҳар маҳалларида соҳа ёналишидаги муаммоларни тизимли ўрганиш ва уларни бартараф этишнинг янгича ёндашувини жорий этиш мақсадида шаҳар ва тумналар ҳокимларининг – Оила ва хотин-қизлар масалалари бўйича ўринбосарларининг ҳафталик иш режаларини ишлаб чиқилсин ва шу асосда ишларни самарали ва натижадорликни назарда тутган ҳолда ташкил этилсин, натижалари тўғрисида вилоят ҳокимлигига ахборот бериб бориш тизими йўлга қўйилсин.

4. Хотин-қизларни ижтимоий-иқтисодий қўллаб-қувватлаш, уларнинг оғир ижтимоий масалаларини тизимли ҳал этиш, оилавий ажримлар ва бошқа

муаммоларга дуч келишининг олдини олиш, касб-хунарга ўқитиш, бандлигини таъмиглашда кўмаклашишга Камбағалликни қисқартириш ва бандлик бош бошқармаси ҳамда унинг ҳудудий бўлимлари билан узвий ҳамкорлик тизими йўлга қўйилсин.

5. Хориждан қайтган меҳнат мигрантлари билан индивидуал иш олиб бориш, бунда хориждан тажриба ва билим орттириб келган аёлларни қўллаб-қувватлаш чора-тадбирлари кўрилсин.

6. Оилавий ажримларнинг олдини олиш ва маънавий муҳитни мустаҳкамлаш мақсадида:

никоҳга қираётган шахсларнинг никоҳдан олдинги тиббий кўрикдан тўлиқ ўтишларини таъминлаш;

оилаларда соғлом муҳитни шакллантириш, ажрим ёқасида турган оилалар билан индивидуал тиббий-психологик суҳбатлар ташкил этиш, узлуксиз равишда тегишли кўрсатмалар бериб бориш мақсадида “маҳалла бешлиги” ва “тиббиёт муассасалари” ўртасида ҳамкор тизимини жорий этиш чоралари кўрилсин.

7. Жиноят содир этган, пробация ҳисобида турган ва профилактик ҳисобга олинган хотин-қизлар билан индивидуал ишлаш тизимини яратиш учун алоҳида режа ишлаб чиқилсин, унда оилавий муаммоларини “фуқаробай”, “хонадонбай” ўрганиш ташкил этилсин.

8. Жиноят содир этишга мойиллиги юқори бўлган хотин-қизлар билан профилактик суҳбатларни ташкил этиш, келгусида улар томонидан жиноят ёки ҳуқуқбузарликлар содир этилишининг барвақт олдини олиш бўйича шакллантирилган рўйхатларни профилактика инспекторига назорат ўрнатиш учун тақдим этиш ҳамда уларнинг жиноят содир этишдаги ижтимоий хавфлилик даражасини таҳлил қилган ҳолда “яшил”, “сарик”, “қизил” тоифага ажратиш чоралари кўрилсин.

9. Профилактика (катта) инспекторлари томонидан ҳудудда хотин-қизлар билан боғлиқ муаммоларни бартараф этиш учун расмийлаштирилган хулосалар натижаси бирма-бир таҳлил қилинсин, унга кўра, ҳозирга қадар ечимини топмаётган масалаларни тоифага ажратиб, ижобий ҳал этиш учун тегишли идора ва ташкилотларга йўналтириш ҳамда улар томонидан ўз вақтида бажарилиши устидан тизимли мониторинг ўрнатилсин.

10. Жиноят содир этган, пробация ҳисобида турган ва профилактик ҳисобга олинган ишсиз хотин-қизларни ижтимоий-иқтисодий томондан қўллаб-қувватлаш мақсадида уларнинг рўйхатларини шакллантириб, бандлигини таъминлаш учун Камбағалликни қисқартириш ва бандлик бош бошқармаси ҳамда унинг ҳудудий бўлимларига тақдим этиб бориш амалиёти йўлга қўйилсин.

11. Тазйиқ ва зўравонликка учраган ҳар бир хотин-қизлар билан индивидуал ишлаш учун алоҳида назорат режаларини ишлаб чиқиш, келгусида уларга нисбатан қайта тазйиқ ва зўравонлик содир этилишининг олдини олиш мақсадида маҳалла бешлигига оилабай тақсимланган ҳолда бириктириш чоралари кўрилсин ҳамда улар томонидан ҳар куни ушбу оилалардаги низоли масалалар бўйича хабардор бўлиб туришлик амалиёти йўлга қўйилсин.

12. Вилоят Оила ва хотин-қизлар бошқармаси Ўзбекистон Республикаси Президентининг 07.03.2022 йилдаги “Оила ва хотин-қизларни тизимли қўллаб-қувватлашга доир ишларни янада жадаллаштириш чора-тадбирлари

тўғрисида”ги ПФ-87-сон Фармони билан белгилаб берилган хотин-қизларнинг мамлакат иқтисодий, сиёсий ва ижтимоий ҳаётининг барча жабҳаларида фаоллигини ошириш бўйича Миллий дастурни 2022-2023 йилларда амалга оширишга қаратилган комплекс чора-тадбирлар режасининг тўлиқ ва белгиланган муддатларда сўзсиз бажарилишига шахсан масъулдир.

13. Вилоят мутасадди корхона ва ташкилотлар раҳбарлир ҳамда туман ва шаҳарлар ҳокимлари:

гендер тенгликка эришиш, хотин-қизларнинг ижтимоий-иқтисодий ва сиёсий фаоллигини оширишга қаратилган комплекс чора-тадбирларни амалга ошириш;

хотин-қизларнинг таълим олишлари учун қўшимча шарт-шароитларни яратиш ҳамда уларни илм-фан соҳасига кенг жалб этиш;

хотин-қизларнинг саломатлигини мустаҳкамлаш, оналик ва болаликни муҳофаза қилиш чораларини кучайтириш;

хотин-қизлар орасида тазйиқ ва зўравонликка учраш ҳамда одам савдоси қурбони бўлиш ҳолатларининг олдини олиш;

жазони ижро этиш муассасасида сақланаётган, чет элга чиқиб кетган, давлат ва жамоат ташкилотларида ҳамда хусусий секторда меҳнат қилаётган хотин-қизларни ижтимоий-иқтисодий жиҳатдан қўллаб-қувватлаш ва уларнинг қонуний манфаатлари ҳимоясини янада кучайтириш;

ижтимоий ҳимояга муҳтож хотин-қизларни ҳар томонлама қўллаб-қувватлаш чораларини янада такомиллаштириш;

нуроний онахонларни эъзозлаш, уларнинг билим ва бой ҳаётий тажрибасидан оилаларни мустаҳкамлаш, қизларнинг таълим-тарбияси, маънавий дунёқарашини юксалтиришда фойдаланиш, шунингдек, уларнинг маданий ҳордиқ чиқаришлари учун шарт-шароитларни яратиш;

оила институтини мустаҳкамлаш, умуминсоний ва миллий қадриятларни тарғиб этиш орқали оилалардаги соғлом ва маънавий муҳит барқарорлигини таъминлаш;

хотин-қизлар орасида жиноятчилик ҳамда ҳуқуқбузарликларнинг барвақт олдини олиш, уларда ҳуқуқий маданият ва амалга оширилаётган кенг қўламли ислохотларга дахлдорлик ҳиссини ошириш чора-тадбирларини тизимли давом эттириши вазифалари топширилсин.

14. Халқ депутатлари вилоят, туман ва шаҳарлар Кенгашлари депутатларига:

Ўзбекистон Республикаси Президентининг 07.03.2022 йилдаги “Оила ва хотин-қизларни тизимли қўллаб-қувватлашга доир ишларни янада жадаллаштириш чора-тадбирлари тўғрисида”ги ПФ-87-сон Фармони билан белгилаб берилган вазифалар асосида хотин-қизларнинг ҳуқуқ ва қонуний манфаатларини ҳимоя қилиш, иқтисодий, ижтимоий ва сиёсий фаоллигини ошириш, ижтимоий ҳимояга муҳтож хотин-қизларни қўллаб-қувватлаш, оила институтини мустаҳкамлаш, хотин-қизлар ўртасида жиноятчилик ҳамда ҳуқуқбузарликларнинг олдини олиш масалаларида амалга оширилаётган ишлар ва мавжуд камчиликларни халқ депутатлари туман (шаҳар) Кенгашлари сессияларида муҳокама қилиш ҳамда тегишли мутасаддиларга мунтазам депутатлик сўровларини юбориш тавсия этилсин.

15. Вилоят ҳокимлиги ахборот хизмати, вилоят телерадиокмпанияси, “Дўстлик байроғи” ва “Знамя дружбы” газеталари таҳририятига хотин-қизларнинг ҳуқуқ ва қонуний манфаатларини ҳимоя қилиш, уларнинг иқтисодий, ижтимоий ва сиёсий фаоллигини ошириш, соғлиғини сақлаш, касбга ўқитиш ва бандлигини таъминлаш, тадбиркорликка кенг жалб этиш, эҳтиёжманд хотин-қизларни ижтимоий қўллаб-қувватлаш, гендер тенгликни таъминлаш борасидаги вазифалар ижроси доирасида амалга оширилаётган ишларни кенг ёритиб бориш тавсия этилсин.

16. Ушбу йиғилиш баёни қарорининг ижросини назорат қилишни ўз зиммамда қолдираман.

Тайёрлади



Ж.Атауллаев